



ՎՃԱՐԱՅԻՆ ՔԱՐՏԻ ՕԳՏԱԳՈՐԾՄԱՆ ՈՒՂԵՑՈՒՅՑ



595555
www.unibank.am

Գործարքներ քարտով

Բանկի քարտերի միջոցով կարող են կատարվել անկամիսի վճարումներ և փոխանցումներ, ինչպես նաև կանխիկացումներ բանկոմատների, POS տերմինալների, վճարային տերմինալների և առցանց կայքերի միջոցով: Բանկի բանկոմատները սպասարկում են բանկոմատի վրա պատկերված լոգոտիպով վճարահաշվարկային համակարգերը:

Բանկի քարտերով վճարումներ կարող եք կատարել ArCa և Visa քարտերով՝ վճարման դաշտում համապատասխան լոգոտիպը մշակած լինելու դեպքում:

Քարտապանները կարող են Բանկի կողմից թողարկված ArCa քարտի միջոցով առցանց անկամիսի վճարումներ կատարել՝ գրանցելով վիրտուալ ArCa քարտը www.arca.am կայքում:

Քարտով կատարված գործարքների գումարները քարտային միջոցներից սառեցվում են ամիջապես, իսկ քարտային հաշվից ելքագրվում են 1-15 օրացուցային օրվա ընթացքում՝ կախված գործարքի տեսակից և սպասարկող վճարահաշվարկային համակարգից: Գործարքի վերաբերյալ տեղեկատվության բացակայության դեպքում՝ 16-րդ օրացուցային օրը գործարքի միջոցները վերականգնվում են քարտապանի քարտային հաշվին:

Քարտով կատարված գործարքների վերաբերյալ բողոքարկումները կարող են ներկայացվել գործարքի կատարման օրվանից 120 օրացուցային օրվա ընթացքում: Բողոքարկումների պատասխանը տրվում է բողոքարկումը Բանկ մուտքագրելուն հաջորդող 35 օրացուցային օրվա ընթացքում:

3D Secure համակարգով սպասարկվող կայքերից առցանց գնումների կամ վճարումների դեպքում անհրաժեշտ է ակտիվացնել sms ծառայությունը՝ կայքում գործարքի հաստատման համար պահանջվող գաղտնաբառը ստանալու համար:



Խորհուրդ է տրվում՝ քարտ ստանալիս ներկայացնել նաև քարտով գործարքների մասին հեռախոսային հաղորդագրության ակտիվացման դիմում՝ գործարքների մասին մշտապես տեղեկացված լինելու և գաղտնաբառերը ստանալու համար:

Անվտանգության կանոններ

Արգելվում է քարտը օգտագործել անօրինական նպատակով: Քարտապանի կողմից անօրինական գործարք կատարելու դեպքում Բանկն իրավունք ունի պահանջել հատուցել դրա հետևանքով իր կրած վնասները:

Քարտի կորստի, հափշտակության կամ մեկ այլ անձի կողմից անօրինական օգտագործման դեպքում Քարտապանը պարտավոր է անհապաղ ծանուցել Բանկին և/կամ սպասարկող վճարահաշվարկային համակարգին այդ մասին՝ հայտնելով իր գաղտնաբառը, որի արդյունքում քարտով գործարքները կասեցվում են՝ քարտի բլոկավորման միջոցով:

Բանկը պատասխանատվություն կարող է կրել Քարտապանին հասցված վնասների համար, եթե Քարտապանը Բանկին տեղեկացրել է քարտը կորցնելու, հափշտակության կամ մեկ այլ անձի կողմից անօրինական օգտագործման մասին, որից հետո Բանկը չի ձեռնարկել համապատասխան քայլեր քարտով հետագա գործարքների կասեցման համար:

Քարտի կորստի դեպքում վերաթողարկվում են քարտը և PIN կոդը՝ Քարտապանի կողմից քարտի վերաթողարկման մասին գրավոր դիմում ներկայացնելու դեպքում:

Քարտի, PIN կոդի և գաղտնաբառի օգտագործման ռիսկը կրում է քարտապանը:

Քարտի PIN կոդը, CVV կոդը կամ գաղտնաբառը այլ անձին հայտնի դառնալու կասկածի դեպքում անհրաժեշտ է անմիջապես այդ մասին տեղեկացնել Բանկին:

PIN կոդը հավաքելիս եղեք ուշադիր այլ անձանց կողմից տեսանելի չլինելու կամ չտեսագրվելու համար:

Բանկոմատով կամ POS-տերմինալով գործարքներ կատարելիս ստուգեք բանկոմատի կամ POS-տերմինալի տպած անդորրագրերի գումարների համապատասխանությունը փաստացի կատարված գործարքների գումարներին:

PIN կոդը 3 անգամ անընդմեջ սխալ հավաքելու դեպքում քարտը բլոկավորվում է և առգրավվում բանկոմատի կողմից:

Քարտը բանկոմատից դուրս գալուն հաջորդող 30 վայրկյանի ընթացքում քարտը չվերցնելու դեպքում բանկոմատը այն կրկին տրամադրելուց հետո առգրավվում է:

Քարտի առգրավման դեպքում բանկոմատի էկրանին հայտնվում է քարտի առգրավման մասին հաղորդագրությունը: Քարտի առգրավման դեպքում քարտապանը պետք է անմիջապես հայտնի այդ մասին Բանկին՝ զանգահարելով (+374 10) 555 385 հեռախոսահամարով:

Բանկի բանկոմատների կողմից առգրավման դեպքում Քարտապանը առգրավված քարտը կարող է ստանալ Բանկի մասնաճյուղից կամ Գլխամասային գրասենյակից (ք. Երևան, Չարենց 12)՝ անձը հաստատող փաստաթղթի հիման վրա 2-10 աշխատանքային օրվա ընթացքում:



Քարտի հետ կապված հարցերի դեպքում կամ մանրամասների համար կարող եք զանգահարել շուրջօրյա գործող (+374 10) 555 385 հեռախոսահամարով:



Սահմանումներ`

Բանկ` «Յունիբանկ» բաց բաժնետիրական ընկերություն, **Քարտ`** Բանկի կողմից թողարկված և սպասարկվող վճարային գործիք, որի միջոցով կարող են կանխկազմել դրամական միջոցներ, կատարվել անկանխիկ փոխանցումներ և վճարումներ,

ArCa քարտ (ԱրՔա քարտ)` Բանկի կողմից թողարկվող և ArCa վճարահաշվարկային համակարգի միջոցով սպասարկվող վճարային քարտ,

Visa քարտ (Վիզա քարտ)` Բանկի կողմից թողարկվող և Visa միջազգային վճարահաշվարկային համակարգի միջոցով սպասարկվող վճարային քարտ,

Քարտապան` Բանկի հետ կնքված «Քարտի տրամադրման և սպասարկման պայմանագրի» հիման վրա Բանկում քարտային հաշվի սեփականատեր և քարտի օգտագործման իրավունք ունեցող ֆիզիկական անձ (16 տարին լրացած), իրավաբանական անձ կամ անհատ ձեռնարկատեր,

Հիմնական քարտ` առանձին քարտային հաշվով սպասարկվող քարտ, որի քարտապանի (հիմնական քարտապան) դիմումի հիման վրա վերջինիս կողմից նշված սահմանաչափով այլ անձանց (կից քարտապան) ևս կարող է տրամադրվել քարտային հաշվի միջոցների օգտագործման իրավունք,

Կից քարտ` հիմնական քարտապանի քարտային հաշվի միջոցներով սպասարկվող վճարային քարտ (կից քարտը քարտային հաշիվ չունի), որի քարտապանը կարող է լինել ֆիզիկական անձ (14 տարին լրացած),

Անանուն քարտ` առանց քարտապանի տվյալների քարտ, որտեղ քարտապանի անվան ազգանվան փոխարեն կարող է տպվել քարտի հաշվեհամարը կամ այլ վավերապայման,

PIN-կոդ կամ անհատական նույնականացման համար` վճարահաշվարկային համակարգի կողմից ավտոմատ գեներացվող ծածկագիր, որը կիրառվում է քարտով գործարքներ իրականացնելիս` հաձախորդների նույնականացման համար,

Գաղտնաբառ` հաձախորդների կողմից սահմանված գաղտնաբառ, որն օգտագործվում է հաձախորդների սպասարկման ընթացքում նրանց նույնականացման համար, այդ թվում հեռախոսազանգերի միջոցով սպասարկման, իսկ ArCa վճարահաշվարկային համակարգում նաև վիրտուալ քարտերի գրանցման համար,

Ավտոմատ գանձման մեքենա (ԱԳՄ կամ բանկոմատ)` քարտով կանխիկ գումարը ստանալու և անկանխիկ գործարքներ կատարելու համար նախատեսված սարքավորում,

POS տերմինալ` Բանկի մասնաձյուղերում կանխիկ գումարը ստանալու, իսկ մասնաձյուղերից դուրս անկանխիկ գործարքներ կատարելու համար նախատեսված սարքավորում:

Դիմերես | Դարձերես



1. Բանկի լոգոտիպ և անվանում
2. Քարտապանի անուն ազգանուն
3. Չիպ (չիպային քարտերի դեպքում)
4. Քարտի համար
5. Քարտի գործողության վերջնաժամկետ` ամիս/տարի
6. Վճարահաշվարկային համակարգի լոգոտիպ
7. Քարտի տեսակ
8. Մագնիսական ժապավեն
9. Ստորագրության դաշտ
10. CVV Կամ CVC կոդ
11. Բանկի հետ կապի միջոցների տվյալներ

Ընդհանուր դրույթներ

Քարտը համարվում է Բանկի սեփականությունը և տրամադրվում է Հաձախորդին Քարտի վրա նշված օգտագործման ժամկետով:

Քարտը գործում է մինչև քարտի դիմերեսին նշված գործողության ժամկետի ամսվա վերջին օրացուցային օրը ներառյալ:

Քարտի սպասարկման նպատակով քարտապանի անունով բացվում են բազմարժույթային քարտային հաշիվներ` ՀՀ դրամով (AMD), ԱՄՆ դոլարով (USD) և Եվրոյով (EUR):

Բազմարժույթային քարտով կատարված գործարքների գումարների գանձումը քարտային հաշիվներից կատարվում են հետևյալ սկզբունքով

♦ գումարը գանձվում է նախ քարտապանի սեփական միջոցներից, ապա միջոցների բացակայության կամ անբավարարության դեպքում` վարկային հաշիվներից` առկայության դեպքում,

♦ գումարների գանձման հաշիվների հաջորդականությունը ըստ արժույթների հետևյալն է` ՀՀ դրամ (AMD), ԱՄՆ դոլար (USD) և Եվրո (EUR):

Եթե գործարքի արժույթը համապատասխանում է քարտային հաշիվներից որևիցե մեկին, ապա համակարգը գործարքի գումարը գանձում է տվյալ արժույթի դեբետային հաշվից, եթե տվյալ արժույթի դեբետային հաշվին առկա չէ սեփական միջոց կամ անբավարար է, ապա գումարի անբավարար մասը գանձվում է մյուս հաշիվներից` ըստ արժույթի առաջնայնության AMD, USD, EUR, ապա դեբետային հաշիվներին գումարի անբավարարության դեպքում` վարկային հաշվից, բացառությամբ «ՎՏԲ Հայաստան» (VTB Armenia), «Հայբիզնեսբանկ» (ABB) և «Ելչ-էս-Բի-Սի Բանկ Հայաստան» (HSBC Armenia) բանկերում կատարված գործարքների, որոնց հաշվանցումը կատարվում է ստորև նշված սկզբունքով:

Եթե քարտով գործարքի արժույթը AMD, USD, EUR արժույթներից տարբեր է, ապա համակարգը VISA վճարային համակարգում գործարքի գումարը, որը մշտապես արտացոլվում է ԱՄՆ դոլարով, փոխարկում է գումարը ՀՀ դրամի` Բանկի կողմից սահմանված փոխարժեքով, և գանձում գործարքի գումարը ըստ առաջնայնության` AMD, USD, EUR հաշիվներից:

Գործարքի և հաշվանցման օրերը տարբեր են, ուստի Բանկի կողմից սահմանված առջ ու վաճառքի փոխարժեքի փոփոխման հետևանքով դրամային հաշվին կարող է առաջանալ գերածախս (օվերլիմիտ), որի գծով ձևավորվում են պարտավորություններ:

Խորհուրդ է տրվում արտարժույթի փոխարկման ժամանակ, կորուստներից խուսափելու նպատակով, քարտային հաշիվը համալրել գործարքի արժույթի համապատասխան արժույթով:

Բանկի քարտերը սպասարկվում են ArCa և Visa վճարային համակարգերի լոգոտիպ ունեցող բանկոմատների և POS տերմինալների կողմից:

Բանկի կողմից տրամադրված ArCa քարտերը սպասարկվում են միայն ՀՀ և ԼՂՀ տարածքում:

Բանկը երաշխավորում է Քարտապանի և քարտով կատարված գործարքների մասին տեղեկատվության գաղտնիությունը, և կարող է տրամադրել երրորդ անձանց բացառապես ՀՀ օրենսդրությամբ սահմանված դեպքերում:

Քարտի թողարկում, տրամադրում և վերաթողարկում

Բանկի կողմից քարտը թողարկվում է հաձախորդի կողմից ներկայացված դիմումի հիման վրա` Բանկի կողմից սահմանված բոլոր վճարումները կատարելու դեպքում:

Քարտը և PIN կոդը քարտապանին տրամադրվում են առանձին-առանձին` Բանկի տարբեր աշխատակիցների կողմից: PIN կոդը տրամադրվում է փակ ծրարով, ուստի ստանալիս ստուգեք PIN կոդի ծրարի փակ և ամբողջական լինելը, ինչպես նաև քարտի համապատասխանությունը:

PIN կոդը հայտնի է միայն քարտապանին և մոռանալու դեպքում թողարկվում է նոր PIN կոդ:

Արգելվում է PIN կոդը պահել քարտի հետ, նշել քարտի վրա կամ որևէ այլ կերպով հայտնի դարձնել երրորդ անձանց:

Քարտը Բանկից ստանալուն պես Քարտապանը պարտավոր է ստորագրել քարտի դարձերեսին` ստորագրման դաշտի վրա: Քարտի դարձերեսին քարտապանի ստորագրությունը նախատեսված է քարտապանի նույնականացման համար, և ստորագրության առկայությունը պարտադիր է:

Քարտապանի կողմից քարտը թողարկման հաջորդող 90 օրվա ընթացքում չստանալու դեպքում այն ոչնչացվում է:

Քարտով գործարքների անվտանգության ապահովման նպատակով Քարտապանի կողմից ներկայացված հաղորդագրությունների ակտիվացման դիմումի հիման վրա քարտով կատարված յուրաքանչյուր գործարքի վերաբերյալ Քարտապանին ուղարկվում է հեռախոսային հաղորդագրություն (sms) կամ էլեկտրոնային նամակ, իսկ քարտային հաշվի շարժի վերաբերյալ` քաղվածք` Քարտապանի կողմից նշված կապի միջոցով:

Քարտի գործողության ժամկետը լրանալիս Բանկի կողմից քարտի երկարացման մասին հաձախորդին է ուղարկվում նամակ/հաղորդագրություն, և քարտի գործողության ժամկետը երկարաձգելու համար մինչ քարտի ժամկետը լրանալը Քարտապանը պետք է Բանկ ներկայացնի համապատասխան դիմում` վճարելով Քարտի ժամկետի երկարաձգման համար` համաձայն Բանկում գործող սակագների:

Բանկի կողմից քարտի վերաթողարկման դեպքում նոր քարտը տրամադրվում է հին քարտը Բանկին վերադարձնելուց հետո:

Քարտի ժամկետը լրանալուց հետո քարտը չվերաթողարկելու դեպքում` 5 բանկային օրվա ընթացքում այն պետք է վերադարձվի Բանկ, իսկ քարտային հաշվին դրամական միջոցների առկայության դեպքում այն փոխանցվում է Քարտապանի դիմումի մեջ նշված հաշվեհամարին: